

近祖实录

吾族自清溪公迁居平江以来钟山川之秀灵沐诗书之光泽或以勲绩传或以文章显或以隐德称纍纍接踵代有端人皆足以绍前人之芳徽垂后裔之模楷也臚列于谱示不忘耳名曰近祖实录

清溪公

讳湛孟鼎公之长子居江西袁州分宜县石马杨桥梦村宋哲宗时进士官潭州尹有德政解组归道经平江爱其山水秀丽遂卜居于城北鸣水洞平江钟氏之族盖自公始

凌隐公

讳雲清溪公之子也为武陵县尉有刚直声或干以非礼即当路亦面斥之至于折狱无烦言人皆畏服一时有铁面钟公之誉

珙璧公

讳端凌隐公之子幼聪颖博览群书尝述狄梁公之言曰范希文不为良相当为良医吾辈读圣贤书不能济世于苍生何乃精岐黄术后为太医院院长

坪湖公

珙璧公之子性纯笃好施与始迁居平江城内百步岭因庐舍之后夜现金华掘得藏金千鎰遂建金华祠悉以其余周贫乏又时值岁歉尝出粟以赈饥邑人德之

景鼎公

坪湖公之子平生谦抑自下与物无忤阴行善事不求人知获享遐龄以终

应元公

字晓苍景鼎公之子性雅淡年八十发须不白

庆隆公

字道祥应元公之长子元时人厚重简默不屑随俗虽居城市自得山林之趣

谷青公

字太乙庆隆之长子于洪武九年始自城内迁居坪上

智盟公

讳信瑀号高隐谷青公之子好善乐施见人饥寒卽不吝所有以赈恤之

智益公

讳添瑀号朝珍谷青公之侄谷福公之子住北街明洪武三年拔贡第引见便和殿称旨授南京刑部主事断决疑狱十余案著有哀矜录丁兵燹失稿年老致仕勅建绣衣坊于岭上金华祠对面

思遼公

字达道智益公之孙颖淑公之子成化时以拔贡任雲南嶧峨县知县其后裔居湘阴鸭子湖并长沙等处

卡頔公

仕良公之四子好施与宏治二年出穀为本县赈饥授为义官又尝捐金修石碧潭浮桥邑侯黄为作记与族弟玉经俱详县誌以下係智盟公后裔

伯鲸公

字樸齐玉顷之子幼习儒业不遇遂弃科举庭训极严故其子多伟器

广惠公

字仁菴伯鲸公之次子为浙江平阳县丞有胆略遇事即决邑人感之归来两袖清风其廉洁可以风世矣

广治公

字平川伯鲸公之三子为吉安府知事立品端严居官清正致仕归与广廉同订家谱

广潮公

字前江伯海公之子官四川茂州经历才能任事两次攝州篆民多德之

广廉公

字东坪伯佩公之长子邑廩生好学笃行正德时尝设教义学执经问难者盈门因病弃举业订正家谱

广秀公

邑庠生以经授子督课甚严

天晓公

广秀公之子任兴国州学正衣冠整肃言笑不苟论文宗左传国语史记汉书州之士习赖以整飭

天象公

字明高广治公之子任永丰主簿曾得永丰家谱源流余详传

天珂公

字月池广爵公之三子纯樸自束宽裕处人隆庆元年募邑中富而好义者修平江县城时捐修著名者五人公其一也详郡县誌及墓誌

天琪公

字池湖广秀公之子任四川眉州郵政厅乐交贤豪每自言曰愿效仪封人尝得见君子其度量宽阔如此

于臣公

字緝龙天文公之子性狷洁跬步不苟虽居近城市足不履讼庭施惠于人无德色年八十以无疾终其子孙登贤书贡成均任于官廩于庠者代不乏人发潜德之幽光尚未有量也昔李灌叟论曰福善祸淫之说世人所不乐谈以今緝龙公观之获报如此其言洵可以劝世矣

于敦公

字逊吾生平淳厚乐善好施议论公正崇禎十四年奉部举行乡饮因公齿德俱尊都人士咸以公薦知县李光缙达部看语云看得隐士钟于敦素严矩范茂美彝伦隐逸衣冠克副高人之望山林城市洵符长者之称輿论咸孚纯风厚植部允颁付冠带给以匾额余详墓誌

于粹公

字华元事亲以孝闻好学不倦及主家政延师课子致敬尽礼与族邻相接悉率本真施与于人亦无德色

叔昭公

字仲明岁贡生中至正四年甲申科举人潜心理学士林共仰其贤
以下系智益公后裔

巖公

字雁峰邑庠生性敏好学文名推重一时

岳公	字小峰邑庠生资性端重博学能文
王忌公	字作心先世籍江西祖由平江迁湘阴杖梓岭复迁营田为人天性纯笃言行不苟子四鼎宪铎魁皆敦孝友业诗书子孙蕃衍取科第者不一
文鼎公	字嶽峰国学生赴部考授同知
文憲公	字圣章国学生赴部考授同知
文铎公	字添以持身方正積德行善
文魁公	字冠英高行厚德人共称之
乾元公	字太和邑廩生品望端方文章醇雅
天筹公	字鶴齡优廩生髫年慕古博览群书试取高等食廩餼所著时艺不减文恪属荆山风味
天节公	字如桥国学生谦谨醇笃乐善好施